

Radnici "Lukavactransa" na četiri sata zaustavili saobraćaj

Danas potpuna

Blokirali magistralni
put Tuzla - DobojNemaju primanja
otkada traje stečaj
FOTO NN

Ogorčeni: Radnici su već deset mjeseci na Birou za zapošljavanje, odakle ne primaju nikakvu pomoć, i od Vlade TK traže 50.000 KM jednokratne pomoći, te 200.000 KM na ime materijalnog zbrinjavanja

Jasmina ŠARAC

LUKAVAC - Više od 60 radnika prevoznice firme "Lukavactrans" u stečaju jučer je ponovo na četiri sata blokiralo magistralnu cestu Tuzla - Doboj, u neposrednoj blizini raskrsnice na ulazu u Lukavac, jer niko iz Vlade TK nije ponudio nikakvo rješenje za njihove

probleme.

Kao alternativni put vozačima su ostavili staru cestu Tuzla - Lukavac, koja ne može zadovoljiti potrebe, te su se formirale kolone vozila. Zbog ignorisanja kantonalne vlasti, za danas najavljuju potpunu blokadu ovog magistralnog puta.

"Očekivali smo da će premijer da se očituje i saopšti svoj

stav. Ali niko nam se ne javlja i mi smo prinuđeni na rigoroznije poteze", kaže Nusret Barčić u ime nezbrinutih radnika "Lukavactransa" u stečaju.

Radnici su već deset mjeseci na Birou za zapošljavanje, odakle ne primaju nikakvu pomoć, i od Vlade TK traže 50.000 KM jednokratne pomoći, te 200.000 KM na ime materijal-

nog zbrinjavanja.

"Nemamo nikakvih primanja otkako je pokrenut stečaj. Skoro svi imamo po dvoje djece i ovdje 300 duša bukvalno gladuje", kažu ogorčeni radnici.

Nezbrinuti radnici su Općinskom sudu Tuzla uputili zahtjev za smjenu stečajnog upravnika Esada Hogića i stečajnog sudije Igora Iveljića, jer u proteklih šest mjeseci

Vlada TK

Očekivali smo da će premijer da se očituje i saopšti svoj stav

ci nisu učinili ništa da stečajni postupak bude priveden kraju.

Ističu da je autobusna stanica u Lukavcu, vlasništvo "Lukavactransa", izdata suparničkoj firmi "Road" za 12.000 KM mjesečno.

"Naš stečajni upravnik sedmično boravi četiri sata u firmi, a mjesečno prima 1.700 KM od sredstava od kirije. On nije maknuo sa mrtve tačke. A stečajni sudija Igor Iveljić se nije oglasio



Protestom traže pet miliona KM

M. RENER

SARAJEVO - Oko 40 bivših radnika Tvornice čokolade i kandita "Sarabon" okupilo se juče pred zgradom Sindikata BiH u Sarajevu kako bi još jednom javno zatražili svojih oko pet miliona KM potraživanja i ukazali na zloupotrebe u stečajnom postupku.

Asim Vlajčić, predstavnik bivših radnika "Sarabona", koji je u stečaju od 2006. godine, poručio je da je fabriku uništila politika te najvjetoveno protestno okupljanje za desetak dana.

"Bili smo jedina fabrika čoko-

lade u BiH. Nakon privatizacije je uništena. Potom je proglašen stečaj, i to na osnovu zahtjeva firme iz Kraljeva, koja je potraživala 18.000 KM. Privremeni stečajni upravnik je predložio sanaciju fabrike, no stečajni sudija je imenovao drugog stečajnog upravnika Salku Omerbašića, koji je odmah proglasio likvidaciju i počeo s rasprodajom imovine", rekao je Vlajčić.

Podsjetio je da su tužilaštvima BiH i Kantona Sarajevo, Državnoj agenciji za istrage i zaštitu i Finansijskoj policiji FBiH podnijeli zahtjeve za istragu perioda stečaja, te poručio da neće sjediti skrštenih ruku.

Oštećeni Potražujem 23.000 KM od "Sarabona", a jedino sam dobila šećer u krvi, kazala bivša radnica Vasvija Pervan

Okupljeni radnici su naglasili da je prodana sva pokretna imovina "Sarabona", ali da još nisu dobili osam plata, što je prioritet u



stečaju, dok je oko 500.000 KM od prodaje imovine utrošeno na plate stečajnog upravnika i Odbora povjerenika "Sarabona".

"Sve su nam uzeli. Potražujem 23.000 KM od 'Sarabona', a jedino sam dobila šećer u krvi. Valja se lijeviti, a nemam nikakvih primanja.

Koleginice su mi pomagale u hrani", kazala je jedna od bivših radnica Vasvija Pervan.

Vlajčić tvrdi da će biti osnovano i udruženje bivših radnika-povjerenika "Sarabona" kako bi se izborili za svoja prava s obzirom na to da nisu zadovoljni radom svojih predstavnika u Odboru povjerenika.

"Ti ljudi su se stavili u funkciju stečajnog upravnika. Njima je dobro jer primaju po 1.000 KM", rekao je Vlajčić i dodao da su se juče htjeli okupiti u krugu "Sarabona", ali da im to nisu dozvolili stečajni upravnik i Odbor povjerenika "Sarabona".

čaj magistralnim putem

blokada



šest mjeseci da sazove sjednicu Skupštine povjerilaca. Odugovlače da bi oni uzimali što uzimaju, a nama nema ni mrvica", priča Barčić.

Nezadovoljni radnici navode da bi mogli biti zbrinuti da je sprovedena sudska presuda od prije nekoliko godina, prema kojoj je lukavačka koksara duguje 1,2 miliona KM, a "Soda"

oko pola miliona KM.

Stečajni upravnik Esad Hogić nam je jučer izjavio da zbrinjavanje radnika nije stečajni problem, već da je njegov posao unovčavanje stečajne mase.

"Advokati rade na naplati po sudskim presudama, ali nije lako naplatiti jer mi ne potražujemo od 'Šišedžam sode' Lukavac i 'Global

Ispat' koksne industrije, koji su ušli kao strateški partneri, već od KHK i Fabrike sode Lukavac", kazao je Hogić.

Iako je ministar trgovine, turizma i saobraćaja TK Zoran Milić najavio da će problem radnika "Lukavactransa" iznijeti na jučerašnjem zasjedanju Kolegija Vlade TK, o tome se nije razgovaralo.



Premijer FBiH posjetio Opštinski sud u Sarajevu
FOTO N. UGLJEŠA

Sudovi u BiH treba da pomognu investitorima

D. MUMINović

SARAJEVO - Sudski sporovi tjeraju strane investitore iz naše zemlje i potrebno je da domaći sudovi urade sve da što prije riješe sporove koji nastanu prilikom pokušaja ulaganja novca u BiH.

Kazao je ovo Mustafa Mujezinović, premijer FBiH, nakon jučerašnje posjete Općinskom sudu u Sarajevu, najvećem sudu u BiH.

Premijer FBiH ovaj sud je posjetio nakon što je Mohamed Mahatir, bivši premijer Malezije, nedavno skrenuo pažnju Mujezinoviću da su određeni investitori iz Malezije imali problema prilikom pokušaja investiranja u BiH.

"Kada investitori dođu u BiH, mi ih dočekamo sa lovorikama, a kada dođu na teren, ljudi nastoje da ih prevare. Ukoliko se

sudski sporovi sa investitorima ne rješavaju brzo i efikasno, to će otjerati sve buduće investicije iz te zemlje", rekao je Mujezinović, ne želeći da precizira koji su investitori iz Malezije imali problema u BiH.

Istakao je da je zadovoljan informacijama koje je dobio iz Općinskog suda u Sarajevu.

"Impresioniran sam onim što

Gubici

Ako sudski sporovi ne budu rješavani brzo, to će otjerati sve buduće investicije iz zemlje, rekao Mujezinović

je urađeno u najvećem sudu u BiH. Budućim investitorima ćemo reći da imaju partnera u Općinskom sudu u Sarajevu", kazao je Mujezinović.

Goran Salihović, predsjednik Općinskog suda u Sarajevu i potpredsjednik Udruženja sudija BiH, ustvrdio je da je ovaj sud spreman za izazove stranih investicija.

"Sastanak smo iskoristili i da premijera FBiH upoznamo sa diskriminacijom sudija u odnosu na nosioce izvršne i zakonodavne vlasti. Tražimo da se sudijama i tužiocima riješi pitanje toplog obroka, troškova prijevoza na posao, troškova za odvojeni život, naknada za dežure i prava na otpremninu", naglasio je Salihović dodajući da je za rješavanje ovih materijalnih pitanja sudija i tužilaca potrebno oko tri miliona KM.

UIO dobio opremu vrijednu pola miliona

T. ROKVIĆ

BANJALUKA - Američka vlada donirala je Upravi za indirektno oporezivanje BiH opremu vrijednu pola miliona maraka u okviru Programa za kontrolu izvoza i bezbjednost granica (EXBS).

Kemal Čaušević, direktor UIO BiH, kazao je da je ova posebna oprema bila od velikog značaja za rad službenika UIO.

"U Beogradu je smješten program SAD za kontrolu granica, i mi imamo uspješnu saradnju s njima. Ovo je jedna u nizu donacija, i njena vrijednost je

286.000 dolara, a svakako će tehničarima i službenicima Uprave pomoći da se kvalitetnije bore protiv svih vidova krijumčarenja", istakao je Čaušević.

Program menadžer za BiH, Crnu Goru i Srbiju za kontrolu izvoza i bezbjednost granica Stejt departamenta Džordž Levicki kazao je da je donacija koju je dobio UIO BiH iskorištena na najbolji mogući način, dakle upravo za one namjene za koje je došla.

"Zadovoljni smo poslom koji radi UIO i saradnjom SAD na ovom programu. Gledamo da nastavimo saradnju, a u skorom

Džordž Levicki Donacija koju je dobio UIO BiH iskorištena na najbolji način, dakle za one namjene za koje je došla

periodu nastavićemo s našim programom obuke ljudi u UIO, a to će uključivati obuku i praktičnu primjenu donirane opreme",

rekao je Levicki.

Prema riječima Heidi Jovanović-Hakone, ispred Ambasade SAD u BiH, ovo je veoma dobar znak saradnje SAD i BiH.

Saudin Terzić, pomoćnik direktora sektora za provođenje i proizvodnju i poštivanje carinskih i poreskih zakonskih propisa, objasnio je da je donirana oprema namijenjena za kontrolu, prije svega, dobara koja se uvoze.

U UIO kažu da su od 2005. godine, od kada je osnovan, pa do danas spriječili pokušaj nelegalnog uvoza razne robe u vrijednosti od 27 miliona KM.

Čaušević: "Fokus" laže

Kemal Čaušević rekao je da "Fokus" iznosi o njemu već duže vrijeme laži, a to rade zato što su se ove novine prijavile na tender Uprave za indirektno oporezivanje.

"Kada smo pronašli podatke, primijetili smo da im tiraž od 5.616.000 primjeraka nije tačan. Provjerili smo da su prema tim podacima na godišnjem nivou te novine utajile oko četiri miliona KM za PDV, dakle, da su lagale, odnosno lagao je direktor 'Fokusa' Zoran Šarenac. Kada smo im rekli tu informaciju, Šarenac je rekao da će se revanširati", rekao je Čaušević. "Zoran Šarenac me ucjenjivao, imam za to svjedoke i ja ću ga tužiti", rekao je Čaušević.

Šarenac je juče poručio da u periodu o kojem govori Čaušević on nije bio direktor ove medijske kuće.